

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO

Javna ustanova Srednja škola primijenjenih umjetnosti Sarajevo, na osnovu člana 143. stav (4) tačka g) Zakona o srednjem obrazovanju ("Službene novine Kantona Sarajevo", br. 23/17), člana 3. Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo, ("Službene novine Kantona Sarajevo", broj 35/17), Saglasnosti Ministarstva za obrazovanje, nauku i mlade Kantona Sarajevo, broj: 11-30-1316-474/20 od dana 14.08.2020.g. i Odluke Školskog odbora, broj: 07-498/20 od 02.07.2020. godine, raspisuje se:

**JAVNI KONKURS**

za popunu upražnjenih radnih mjesta u školskoj 2020/2021. godini

- a) Nastavnik/ica informatike... 1 izvršilac, 4 časa nastavne norme, od okončanja konkursne procedure do 31. 8. 2021. godine.
- b) Nastavnik/ica reklamne grafike... 1 izvršilac, 10 časova nastavne norme, na određeno vrijeme, od okončanja konkursne procedure do 31. 8. 2021. godine.
- c) Nastavnik/ica plastična anatomija čovjeka... 1 izvršilac, 4 časa nastavne norme, na određeno vrijeme, od okončanja konkursne procedure do 31. 8. 2021. godine.
- d) Nastavnik/ica tehnologija i tehnike obrade metala... 1 izvršilac, 20 časova nastavne norme sedmično, na određeno vrijeme, od okončanja konkursne procedure do 31. 8. 2021. godine.
- e) Saradnik/ica, tehnologija i tehnike obrade metala... 1 izvršilac, 20 časova nastavne norme sedmično, na određeno vrijeme, od okončanja konkursne procedure do povratka radnika s funkcije direktora, a najkasnije do 31. 8. 2021. godine.
- f) Stručni saradnik/ica za obradu gipsa, puna nastavna norma, na određeno vrijeme, od okončanja konkursne procedure do 31. 8. 2021. godine.
- g) Radnik/ica na održavanju higijene i opreme, 1 izvršilac, 40 sati radnog vremena sedmično, na određeno vrijeme, od okončanja konkursne procedure do 31. 8. 2021. godine.
- h) Dnevni čuvar... 1 izvršilac, 40 sati radnog vremena sedmično, na određeno vrijeme, od okončanja konkursne procedure do 31. 8. 2021. godine.

Pored opštih uslova za zasnivanje radnog odnosa, kandidati treba da ispunjavaju i posebne uslove utvrđene Zakonom o srednjem obrazovanju Kantona Sarajevo, revidirane nastavne programe za općeobrazovne predmete za srednje škole za stručno obrazovanje i obuku od 26. 8. 2016. g., Pedagoškim standardima i normativima za srednje obrazovanje i normativnim aktima Škole, kako slijedi:

Za poziciju a) Završen fakultet na kome se stiče zvanje diplomirani informatičar, ili diplomirani inženjer elektrotehnike, smjer informatika ili računarstvo, ili diplomirani inženjer elektrotehnike, smjer elektronika, ili diplomirani ekonomist, smjer poslovna informatika, ili profesor matematike, smjer matematika sa informatikom, ili profesor elektrotehnike, ili profesori drugih predmeta koji su završili najmanje dvosemestralni kurs informatike na Akademiji likovnih umjetnosti, Elektrotehničkom ili drugom fakultetu, a koji su u okviru kursa stekli certifikate za realizaciju sadržaja navedenih u programu.

Za poziciju b) Akademija likovnih umjetnosti, grafički odsjek i odsjek grafički dizajn. Akademija primijenjenih umjetnosti, odsjek grafički dizajn. Za poziciju c) Akademija likovnih umjetnosti, Medicinski fakultet, Akademija primijenjenih umjetnosti. Za poziciju d) Akademija likovnih umjetnosti, odsjek vajarstvo, Akademija primijenjenih umjetnosti, odsjek vajarstvo.

Za poziciju e) Likovni tehničar za tehnologiju i tehnike obrade metala. Za poziciju f) Akademija likovnih umjetnosti, odsjek vajarstvo, Akademija primijenjenih umjetnosti, odsjek vajarstvo.

Za poziciju g) završeno najmanje osnovno obrazovanje. Za poziciju h) dokaz o završenoj srednjoj školi (IV ili III stepen), i dokaz o položenom ispitu iz protivpožarne zaštite.

Obavezna dokumentacija koju su kandidati dužni dostaviti:

- a) Svojeručno potpisanu pisanu prijavu na Javni konkurs sa kratkom biografijom, kontakt podacima, (adresom stanovanja, brojem telefona i e-mail adresom), tačnom naznakom na koju poziciju se konkuriše i tačno navedenom dokumentacijom koja se prilaže na javni konkurs,
- b) Diploma o stečenoj stručnoj spremi ili akademskom zvanju,
- c) Izvod iz matične knjige rođenih,
- d) Uvjerenje o državljanstvu (ne starije od šest mjeseci od dana objavljivanja konkursa).

Pored obavezne dokumentacije kandidati mogu dostaviti i dodatnu dokumentaciju, i to:

- a) Uvjerenje/potvrda o radnom stažu i uvjerenje sa šifrom zanimanja koje izdaje Fond za penzijsko-invalidsko osiguranje,
- b) Potvrde o ostvarenom radnom stažu kod poslodavca kod kojeg je kandidat radio sa tačno naznačenim poslovima i radnim zadacima, te godinama i mjesecima radnog staža koje je kandidat obavljao,
- c) Uvjerenje o položenom stručnom ispitu,
- d) Potvrda o vremenu provedenom na evidenciji Službe za zapošljavanje Kantona Sarajevo (ne starije od tri mjeseca),
- e) Rješenje o sticanju posebnog stručnog zvanja koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,
- f) rješenje o ocjeni o radu koja je utvrđena u tekućoj ili prethodnoj kalendarskoj godini, a koje je izdato u skladu sa Pravilnikom o ocjenjivanju, napredovanju i sticanju stručnih zvanja, odgajatelja, profesora/nastavnika i stručnih saradnika u predškolskim ustanovama osnovnim i srednjim školama i domovima učenika,
- g) rješenje/uvjerenje nadležnog kantonalnog/općinskog organa o priznavanju svojstva člana porodice šehida/poginulog branioca, člana porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog branioca kao zaslužnog lica u odbrambeno-oslobodilačkom ratu sa područja Kantona Sarajevo, ratnog vojnog invalida i člana porodice ratnog vojnog invalida izdato u svrhu ostvarivanja prava prednosti pri zapošljavanju (ne starije od šest mjeseci),
- h) osobe koje imaju status po osnovu dopunskih prava boraca – branitelja BiH obavezne su pored rješenja/uvjerenja nadležnog kantonalnog/općinskog organa o priznavanju statusa dostaviti i uvjerenje/potvrdu o neprekidnom prebivalištu na području Kantona Sarajevo u posljednjih 24 mjeseca (ne starije od šest mjeseci),
- i) potvrdu o autorstvu/koautorstvu udžbenika koju izdaje Federalno ministarstvo obrazovanja i nauke na osnovu člana 169.-170 Zakona o upravnom postupku FBiH ("Sl.novine F>BiH" br. 2/98 i 48/99).

Prijava kandidata koji nije dostavio dodatnu dokumentaciju će se smatrati urednom, a prijavljeni kandidati će se bodovati samo po osnovu onih kriterija za koje je dostavio urednu i validnu dokumentaciju.

Dokumentacija koju kandidat dostavlja uz prijavu na konkurs mogu biti kopije uz obavezu da kandidat koji je primljen po konkursu dostavi originalnu dokumentaciju ili ovjerene kopije dokumentacije, najkasnije pet dana po dobijanju odluke o izboru kandidata. Po konačnosti odluke o izboru izabrani kandidat je dužan dostaviti ljekarsko uvjerenje nadležne zdravstvene ustanove o zdravstvenoj sposobnosti za rad u obrazovanju, koje nije starije od šest mjeseci.

Javni konkurs ostaje otvoren (osam) 8 radnih dana od dana objavljivanja u dnevnim novinama „Dnevni avaz“. Kriteriji, procedure, uslovi, način bodovanja i izbor kandidata po ovom Javnom konkursu utvrđeni su Pravilnikom sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“, broj 35/17). Prijave sa dokazima o ispunjavanju uslova dostaviti najkasnije sa danom 9. 9. 2020. godine putem poštanske službe u zatvorenoj koverti na adresu:

Javna ustanova SREDNJA ŠKOLA PRIMIJENJENIH UMJETNOSTI Sarajevo

Ul. Gimnazijska 11

71000 Sarajevo,

sa naznakom „Prijava na javni konkurs za poziciju \_\_\_\_\_/ ne otvarati – otvara Komisija“.

Neblagovremene, nepotpune i neuredne prijave se neće uzeti u razmatranje. Dokumentacija prijavljenih kandidata koji nisu izabrani po ovome konkursu vraća se na lični zahtjev putem protokola Škole u roku od 15 dana.